

再續掖縣志

流寓	文學	志節	選舉	職官	學校	賦役	城池	目錄	序	卷上
方技	武功	孝友	封蔭	宦績	祀典	倉儲	公署	山川	凡例	
隱逸	善行	政治	薦辟	海防	郵養	壇廟	古蹟	姓氏		

再續掖縣志序

邑之有志非徒徵文考獻已也蓋使爲之宰者按其山川圖記知其習尚民風因地制宜興養立教爲政之本胥賴焉志可一日闕乎哉掖向無志熊君銓創而未竟張君思勉鄭君爾相繼厥厥事嘉慶丁卯張鄂樓觀察續舊志而增輯之今又三十餘年矣其間典章名物政教人文足供輶軒之採者又不知其凡幾及時纂訂勢猶易易若任其散佚廢墜久且沿訛承謬而無以傳信識者將責備於有司焉楊君祖憲以徵召宰山左調任茲邑廉惠有聲復能興利除弊崇祀典繕城垣孜孜然以民事爲念余之建修試院也賴其力以成爲宰若此可謂毋負厥職矣吏治之暇因與邑中賢士大夫網羅聞見考覈精詳復增輯若干卷書成以余序爲請夫修廢舉墜余所樂聞使爲牧令者皆能繼前人之善政踵而行之以正人心而維名教將見化民成俗登和親康樂之書而上幾刑措焉其所裨豈淺鮮哉余嘉楊君之志而又喜其不負厥職故勉爲之序并爲後來者勸也

道光二十二年十月知山東萊州府事山陰王澐撰

12491  
836

再續掖縣志

卷上

序

一



再續掖縣志序

地志之爲書也自一統至於一邑其地益狹其事益繁詳所  
時載筆也道光己亥春余自博平調掖令掖於萊爲附郭冠冕一  
郡而周視城垣及各祠廟多就傾頽爲之惻然其志則初修於乾  
隆戊寅續修於嘉慶丁卯迄今典章有待考訂人物有待表揚者  
又三十餘年猶憶博平縣志自康熙三十年後缺有闕焉予爲重  
修時考稽詢訪至於重勞今掖志雖較勝博平然非急於踵修久  
而積重難爲功矣乃與邑人謀再續以摺采銓敘事專屬侯君瘦  
鶴需以時日子於是繕城垣葺祠廟且興復縣城隍廟之久湮沒

續掖縣志

卷上

序

者閱二年皆次第成事而侯君志稿適成予以美贖餘閒親爲釐  
定得書二卷付之剞劂未敢謂有當於典章人物也後之官斯土  
者欲因前兩志而大廣益之撮土之多未必非爲高之一助爾  
道光二十二年歲在壬寅小春月

制科召用知掖縣事候補同知應山楊祖憲書

再續掖縣志後序

應山楊星若先生之令掖也以修廢起頽爲急務志在崇祀典恤民命勵人才培風俗嚴儲備非虛夸好名者比也蒞任四載凡所興作皆次第成功惟再續縣志鏤版未竟而先生遽歸道山余奉憲檄攝篆承乏取志稿讀之知草創出自侯君瘦鶴先生爲討論而修飾之丹黃所及鉉敘釐然筆削亦公允有史體官績中所稱賢令尹則仁和俞兩亭承旨與梅厓二公在焉先生善政在人異日更纂縣志豈無人爲遺遺者第志不恆修卽今再續距續志且三十餘年余恐是影物變遷同異詞至於失其實也乃撮舉其事

再續掖縣志

卷上

爲之立傳並付剞劂俾後之覽者知先生爲斯邑謀教養者詳且備矣抑先生嘗爲余言曰夏秋之間城東山水全集濠塹就壘壘田日損瀕將鬻及城垣西北舊洩水處亦潰決橫阻孔道爲害良深亟思延堪輿家相其地勢濬治疏濬以底安瀾而未之逮也此則先生所齎志以報者後之官斯邑者能爲先生補此缺陷乎若余五日京兆謝未遑爾

道光二十三年歲在癸卯端三日花山朱澍書

凡例

一 萬壽宮前志列寺觀茲編改入壇廟

一體例悉依前志續志間或微有更易如鄭道昭觀海詩續志載入藝文道昭大基山詩茲編則收入古蹟唐王無競墓誌前明出土前志入拾遺茲編則郭休碑王慶墓誌均入古蹟一前志藝文載錢祚徵傳顧炎武作案亭林集無之未詳何人作亭林集有錢公行狀與此傳異茲編收入一前志續志祥異皆書日食星變茲編削去

修志姓氏

總裁

召試孝廉方正掖縣知縣候補同知楊祖憲

纂修

戊寅科副貢侯登岸

採訪校閱

庠生張慶渥翟泗珍單森侯靈

北海書院肄業童生王仲英張謙

再續掖縣志

卷上

修志姓氏

目錄

卷上

山川

古蹟

城池

公署

壇廟

賦役

倉儲

郵養

學校

祀典

海防

職官

宦績

薦辟

選舉

封廕

政治

忠節

孝友

善行

文學

武功

隱逸

流寓

方技

再續掖縣志

卷上

目錄

卷下

仙釋

列女

坊表

塚墓

寺觀

祥異

大事記

著述

藝文

疏跋

序詩

記行狀

傳墓志銘

辨

辨

辨

辨

辨

辨

辨

辨

辨

辨

辨

辨

辨

辨

辨

志餘

訂訛附

再續掖縣志卷上

知掖縣事候補同知應山楊祖憲述查氏輯

山川

龍泉河 城北五十里源出西由鎮東南矯家歷朱馮北至冷水灣而始旺此中有泉俗傳下有龍潭故名由此而北由西由天齊廟東轉為猪市北經吳家人明水灣此故道也明邑人侯効職有龍泉河復故道記見前志藝文尋又失其故道河水往往氾濫為患 國朝道光時鹽大使伊拉齊修之仍復故道云

再續掖縣志 卷上

山川

以上補

土山

前志載未詳

陽面陂陀陰面平地斗起土中帶石有嵯峨之勢

極巔為魯王祠迤西有三聖祠碧霞祠水經注膠水北歷土

山注於海

小沽河

前志載未詳

左傳姑尤以西杜預曰姑即大沽河尤即小沽

河也漢書地理志東萊郡曲城陽邱山治水所出 國朝鄆

縣全祖望作東萊大小沽河記謂治水治字乃沽字之譌

六灣河

前志載未詳

昔有六灣今淤塞岸上有龍神祠禱雨輒應齊

乘載掖縣有六龍灣龍祠即此

古蹟

漢

萬歲亭 在萬里沙旁漢武帝所築見三齊記略

北魏

雲峰山題字石刻九種 山峰上有王子晉駕鳳栖太室之山  
赤松子駕月栖元圃之山浮邱子駕鴻栖日口之山羨門子  
駕日栖崑崙之山安期子駕龍栖蓬萊之山等字山要有東  
耿伏奴從駕六字石工于仙四字石工于仙人五字又有詩  
刻四句標題曰詠飛仙室詩曰巖堂隱星霄遙檐架雲飛鄭

再續掖縣志 卷上

古蹟

二

公乘煙至道士披霞歸素此山石刻有此山上有九仙之名  
人字當是刻九仙人名即王子晉等

是也蓋僅得其  
五餘四人未見

大基山石刻 山口河西岸石壁上有刻字三種一曰此大基

山內中明峒及四面巖墳上嵩岳先生樊陽鄭道昭掃石置

五處仙壇其松株草木有能修奉者世貴吉昌慎勿侵犯銘

告令知也一曰司徒左長史尚書侍中太子少師太常卿車

騎大將軍光行正十州刺史鄭述祖雲居僧之山門也天統

元年九月五日刊一曰石人名髮鬚甲申年造乙酉年成共

十三字山左金石志曰筆法堅勁疑亦道昭所書山內西峰

下石壁上刻道昭五言詩一首標題曰詩五言於萊城東十里與諸門徒登青陽嶺太基山上四面及中嶺埽石置仙壇一首魏祕書監司州大中正平東將軍光州刺史樊陽鄭道昭作詩曰尋曰愛邱素陵月開靖場東峰青烟寺西嶺白雲堂朱陽臺望遠元靈崖色光高壇周四嶺中明起前嶠神居杳漢眇接景拂霓裳口微三四子波霞度仙房蕭蕭步林石寮寮歌道章空谷和鳴磬風岫吐浮香泠泠非虛唱鬱鬱遶松梁伊余莅東國杖節牧齊壇乘霧情暫暇遊此無事方依巖論孝老對泉語經莊追文聽汶義門徒森山行踰躅念歲

古蹟

再續掖縣志 卷上

三

述幽衿燭扶桑栖槃時自我豈云蹈行藏

山內有金素和時長春子詩刻及金

大定時劉長生范德裕倡和詩刻不具載

北齊

普照寺造像記石刻 寺內方石側鐫大齊天保六年歲次乙

亥七月己卯朔十五日癸巳仰為陳使君敬造越殿圖像一

軀比丘曇倫比丘僧愛比丘僧景凡六行可辨識以下被人

捶毀不完

唐

唐府君碑陰正碑見續志刻施主維那主比丘尼姓名凌雜不成行

列案正碑係紀德政碑陰乃施主維那主比丘尼姓名且  
毀不全又碑首鐫佛像蓋原係佛刹碑至唐去前文刊紀德  
政耳

朱

雲峰山鄭公石像題字刻 像在地上者約高三尺餘自要以  
下沒於地中左肩有大宋字右肩有政和癸巳字餘漫漶難  
辨識山左金石志曰疑即秦峴諸人所題

雲峰山題名石刻 在山陰之要題曰崇寧癸未清明日告老  
希正居仁景莊君寶敏中同游酌酒巖下不覺鶻醉因以虎

再續掖縣志

卷上

古蹟

四

頭名之

此刻凡兩見

又有題名曰趙中機公濟子毅輝五韓大受

虛中馮維桓秀實唐作求叔孝政和甲午四月中漸登雲峰  
觀巨浸由東城覽劉氏園亭而歸又有政和七年八月十日  
題名文係左讀剝落不全

海廟詩刻 嵌大殿西壁詩曰浩浩潮無際滔滔勢欲東百川

容莫量三島杳難窮天淡祠堂古雲低客路通暫來回首懶  
歸轡逐西風傍注曰余奉使本路因謁海神幸得一觀時崇  
寧壬午十二月十四日郭異世英記外甥塔掖縣尉鄭世昌  
同來男左侍行崇寧元年十二月二十日萊州掖縣尉鄭世

自立石

無訟堂 地無考見齊乘據云在萊州八景後宋政和間建明

一統志曰無訟堂宋建政和三年有石月先生作記辭意賁

潤

徽宗賜辟應詔書碑 在府學泮池前上刊崇寧時詔書十五

行下刊序文二十行餘為衍名序文撰書姓名缺司空尚書

左僕射蔡京題額曰皇帝賜辟應詔乃當時天下郡邑學

皆奉令刻石者文不具錄

以上補

再續掖縣志

卷上

古風

五

晉

郭休碑 城東北五十三里上田村道光十九年出土額曰晉

故明威將軍南鄉太守郭府君侯之碑文曰君諱休字公彥

東萊曲成人也其先出自黃軒后稷之裔王季之穆有號叔

者以德建國命氏為郭君其後也不動顯緒歷載縵縵遠君

之身含海岱之英靈慕乃祖之洪流偉姿表於岐嶷聰達兆

于自然孝友著乎鄉里德行立於當時夫其抗節亮直度操

宏毅岳峙淵渟威而不厲仁愛足以容眾範格足以正世初

志羣藝道心博鑒九思通朗令聞宣布然其天材器為

方冉季之多略超張趙之逸蹤弱冠入朝上計據州辟  
治中別駕讚翼萬里克昭茂績纂孝秀才竝以不就再辟  
府爲相國掾實隆鼎棟光輔和昧于時巴蜀未賓侵犯王略  
元戎啟行口簡精帥朝推英能以君爲使持節征蜀將軍司  
馬遂遷都督軍糧治書侍御史魏之本部主公所在典司外  
臺統攝殷廣君明敏多藝達于治體損益時務闡塞世教謹  
言嘉謨屢抗其謀清商適於河朔仁風發於冀野朝廷欽羨  
拜子男騎都尉遷新成太守爾乃宣惠康敦素樸崇四術正  
雅俗敷五教以訓民明賞罰以治國翔晨風於北林繫白駒

再續掖縣志

卷上

於空谷猶公孫之處鄭文翁之在蜀也於是政行化成上下  
交和邦畿雍穆良旅作歌吳越狂牧虛劉巴東邊人告急君  
乃震威龍驤虎奮躬踐虛場斬將奪旗積尸如京封豕遠遁  
三巴用康天府簡勳俸侯于臺加明威將軍賜子男爵關中  
侯又遷江夏太守旌蓋未移迴旆我邦追姬文之遺風匡二  
南以誕化崇爲政之以德帥大禮則興讓故能期月緝熙宣  
曜仁恩馳於區域重光被於遐荒遵禹稷之勲美羨信臣之  
惠跡胥原隰以制灌稼稼穡以豐國吳肆鯨鯢潛厄襄陽君  
苞神籌順風遠發以貔貅七千摧犬羊三萬陸伉奔北於南

施績興尸於東赫赫振旅元功是授率土稱慶江漢攸寧方  
將宏宇崇爵翼亮天明致皇代乎隆熙激清流於九野旻天  
不惠降年不承春秋六十有三泰始五年八月庚辰薨於位  
天子憫悼羣后詔嗟嗚者而於於是故吏弩羨謝放等追慕  
遺化永懷罔極念以爲先民卽世庸器勒勲歿而不朽賴之  
斯文乃相與刊石立銘撰紀□行俾彼來昆有所瞻仰其辭  
曰皇皇大極芒芒渾元含靈吐實篤生壽倫邈矣君侯鍾此  
清醇皓然秋素品藻如春內宏九德六行外宣應期作度命  
世立言龍蟠鴻漸爰發其芬□翼三季揚光白辰賦政于外

□暢遐鄰頌聲不顯至教入神將登紫虛皇極是銓遺命□  
□九鼎徂淪爰勒金石永昭後昆末紀年一行曰泰始六年  
二月丙子造碑陰有故吏題名曰故吏南鄉弩羨字方□故  
吏南鄉謝放字長舒故吏陰張述字令國故吏順陽郭狀字  
叔引故吏筑陽梁習字代伯故吏陰張友字景仲故吏順陽  
郭瑜字世元故吏筑陽郭承字獻之故吏南鄉馮和字建龍  
故吏武當陳襲字偉祖故吏順陽梁栢字建之故吏順陽楊  
晞字子顏故吏武當李他字支子故吏陰張觀字伯之故吏  
鄧董質字子玉故吏南鄉鄭代字承先故吏順陽張造字長

周故吏順陽黃成字季仕故吏順陽黃謙字欽弟故吏順陽  
馮禮字芝齊故吏武當楊興字元叔故吏武當張建字仕烈  
故吏丹水李真字長恭故吏順陽王華字道英故吏鄠張獲  
字長護口王順陽王羣字宣叔義民順陽郭貞字仕良義民  
順陽呂崇字修文義民武當文定字長淵司馬順陽黃根字  
巨原義武猛掾武當華吳又曰郡領縣八戶萬七千五百卅  
職散吏三百廿人兵三千人騎三百匹參戰二人騎督一人  
部曲督八人部曲將卅四人保人八人書象額碑高八尺寬三  
尺

再續掖縣志

卷上

古蹟

北魏

雲峰山鄭道昭論經書詩刻

前志載未詳

前標題曰詩五言與道俗

諸人出城東南九里登雲峰山論經書二首魏中書侍郎

通直散騎常侍國子祭酒秘書監青州大中正出爲使持節

督光州諸軍事平東將軍光州刺史樊陽鄭道昭作詩曰

覽鏡口津浮生感人職登志訪口游雲峻期登陟拂衣出州

巖口緩步入烟城苦替口逕難隴嶽星路通霞柱口口巖

巖爲緣巖虛絕披衿接九巖賢合蓋高嶺極崢嶸非一巖林

巖迭嶢嶸雙闕承漢開絕巖虹縈勃澗岨禽跡述竇狹鳥過

照層穴通月之飛岫陵地億回首既京關連川口未即還濟  
河漸口口來塵玉食藏名隱仙丘希言養神直依微姑射跡  
口逐疑朱臺日雨時春嶺明松沙若點殖攀石坐危垂口島  
栖傾側談對朱嶽賓清賞妙無色箇外表三元經中精十方  
道音動齊泉義風光韶繚此會當早疑齡斯觀寧心識目海  
淺毛流看崖瞥鴻翼相翔足終身誰辨瑤与石方界自云云  
焉用挂情憶槃桓竟何爲雲峰聊可息末紀年曰天平四年  
歲在辛卯列

大基山新出石刻 道光四年被雨水冲下一石三面題字前

再續掖縣志 卷上

古蹟

此未有見者一題中岳先生發陽郡道昭中明之壇也一題  
其所居号曰白雲烟青烟里也一題處在壬辰建

唐

王慶墓誌銘 道光三年城東南五里姜家疇出土前標題曰

唐故朝議郎行登州司馬上柱國王府君墓誌銘并序文曰  
公諱慶字宏慶東萊掖人漢議郎王扶卽其先也崇勳重爵  
允光前史休風茂範克被後昆祖相隨任齊州錄事參軍考  
過隨任濟州東阿縣令並容表魁傑機神穎悟雖位不充量  
而行足揚名公幼得奇童之目早標正人之稱多材藝尙充

簡隱不違親貞不絕俗年甫弱冠河濟名流翕然已想望其  
風矣龍朔初刺史河南邱孝忠纂禮海甸下車未幾便引公  
爲談客時高麗餘孽作梗遼川詔徵舟師濟自黃腫邱君以  
公有深謀遠籌遂要在中權同郅超之入幕類田疇之出塞  
閱賞酬庸拜上柱國勅授昭武校尉營州都督府瀘江鎮將  
馬邑蕭條龍山阻絕肅恭王事余病未能久之除雅州和州  
鎮將昔我先君嘗旋驂於九折顧惟微尙願相閑於一邱是  
時太夫人在堂有羸老之疾公孝性純懇與言欽淚衣不解  
帶藥必親嘗居喪之禮哀毀過制萬歲通天元年白虜趨趙

丹波縣志 卷上

古蹟

鋒交碣石青林失律火照甘泉天子詔左衛將軍薛訥絕海  
長驅掩其巢穴飛芻輓粟集登萊監軍御史范元成與公  
素游指公清幹且以元任務簡得兼統押乃密表馳奏朝廷  
許焉俄除朝議郎行登州司馬仍充南運使恩命光臨飭躬  
孰列情勤悅使義篤均勞粒粟齊山飛雲蔽海三軍欲慶余  
日得人聖歷年運停還任公雅愛處寂林壑之致始終不渝  
雖囂塵滿庭常嘯咏無輟昔桓溫每云我方外司馬豈斯之  
謂歟何圖天厲不戒奄從化往春秋六十七以神龍元年十  
一月二日卒於官嗚呼哀哉夫人同郡呂氏劍履舊族言容